

OMUKWETU

Registered at the General Post Office as a Newspaper



AGUSTE 1971

No 16

ONGWEDIVA OMUKAINHU MUPE MOSHIWANA

Inapa pita unene efimbo lile mo-1970 nokuli, eshi ofikola yokombada yaNgwediva, mOwambo kwa li mwa holoka epiyaano la halakanifa ovanafikola aveshi, noya kanififa vamwe nokuli omhito yelihongo.

Ovadali vounona ava, vamwe ove va denga noku va shunifa ko kofikola keenghono ashike, fimbo inava pwilikina nawa oshinima. Sho eshi itashi kumwifa unene, osheshi osho onghedi yOshiwambo ikulu yokushunifa ounona kefalama, oko va hepekelwa.

Ovadali vamwe ounona vavo ove u kundafanifa nde tava pwilikine ehokololo lavo nolovalongi vofikola. Vamwe ounona ove va efela ashike oitomo, "ombe i ka we nomulondi."

Ehalakano etivali lofikola ei konima yomafiku avali, eshi ya ninga oshivilo sha kula sheyeululo eti-6.8.71, otali ulike kutya itali ka kala lauxuuninwa mofikola oyo, ngenge ovadali itava tale oshinima osho nomesho avali nongenge ewilikongudu lofikola oyo (opolifi) itali ka kala kokule nayo.

Omunhu ou u hole okushikula omalinyengo nomadiladilo, itashi mu kofeke nande. Oto kupaula omadiladilo apa naapenya, nde otashi dulika hauxuuninwa u twale omeva oku itaku dungwa.

Omadiladilo epangelo lOwambo, omawa unene nelitulemo lavo okuwapeka osho shihe li mondjila, ngashi okuyandja omhito yokutewa po mofikola ngenge ounona itava kala ashike moilongwa yavo. Ashike oshilimbilika kanini ngenge oshitalafa eshi osha dja naanaa mekonakono loshinima, fiyo kwa monika osho tashi li ekunde.

Ovanafikola ava otaku tiwa, ova ka kongele ohamba Ushona Shiimi, nde ova shunine inave mu mona, voo inava pewa enyamukulo laye. Ovanandunge otave shi tala shiimba kutya okanima kanini, ngenge ounona tava tuminwa ashike ondaka u dje po mofikola, fimbo inau twalwa meenghundafana. Yo "omhhepo yeenghundafana (dialoog) ei tai linyenge meemwenyo dovanhu paife, otashi ti kutya oye lidimbikwa filu.

Oushima wovahongwa ohau talelwa alushe pokati kovalongi novahongwa voovene. Molumbo lofikola ohamu di omutoto kutya, eeshokoto meetundi kadimo, edi hadi tekula ounona upwidi. Ohava ulikwa oundjebo womeendjato, ovo shiimba hava tekulifwa navo. Osho yo ehongo la mana mo, shapo okupula ounona ngenge ova ama tuu kuS.A. ile okoV.V.O.

Ngenge omahepu aa ooshili, mboli omunhu owa teelega shihapu kofikola oyo, shi dulife pwaasho shelinyenga paife, nande ku kale ehandu lokutulika komushiakano.

Ovadali vahapu omadiladilo avo, okwa xulila ashike mokukoneka oityani nokuhadulika kwounona. Vamwe ova ika onghedi "yaau a hombola meme oye tate," onghedi ei tai tetula eenghundafana davo nounona. Ounona mwaa-

OSHILONGA SHOMUSAMARIA NAMEDUNJA OHASHI LONGWA MO

Ombelewa yOmukwetu eshi ya talelwa po komudiakoni Rauna Kamati, oya mona yo omholo yokuuda osho hashi longwa meongalo laDundja. Omanyamukulo taa shikula-apa, otaa holola ashike omhumbwe yovakwawelikomesho oyo i li momaongalo mahapu. Nde otu shi shii Omwene ota nangeke yo noupuna ounghendabala hava longwa apa naapenya okuyakula olutu laKristus.

Meme Rauna, ove mwene oshilonga, shoudiakoni oho shi longo peni mongerki yetu?

"Ohai shi longo kEdulungu laNafunda, kEdundja laMutomeki."

Oko ho longo?

"Ehee, oko hai longo."

Oho longo nee ngahelipi?

"Ohandi talele po nga omaumbo momikunda, ovo ihava fiki kongerki nde naavo yo hava fiki ko ohandi va talele po."

Eongalo eshi la kula li na ovanhu vahapu, oho hange mo eengudu dovanhu va tya ngahelipi, ovo naanaa tava pumbwa ekwafo loye?

"Ovo va pumbwa eyakulo ove li meengudu dinene hamano. Ovakuupe, ovanaudu, ovapofi, oingudu, ovakambelindunge ile tu tye omalai, naavo nee ve li eendjolowele."

Hai ti, ou na oilonga ihapu meme Rauna. Olyelye nee he ku kwafa moshilonga shi fike opo, ove auke we likwatelela ko, ile meongalo omu na tuu vamwe ho ti ko tuu ove kwatelela nge apa?

"Aye, puvahapu ihapa liwa ndiba nolududi. Ondi na ovadiakoni, osheshi ngo itai va dimbulukwa kutya ove fike peni paife, momikunda. Omukunda ngenge owa kula ove li mo vahamano. Nde luhapu ove li-ngo vata-tu ile vane. Hano omukunda keshe ou na ovataleli ve u yeleka."

"Ovanyasha yo ohava kwafa unene meongalo letu. Ope na nokuli vamwe ve na ovayakulwa vavo vene ovo ve velitokolela kutya, ou owange mwenemwene ou, aame handi mu yakula. Ove va shiivifa kutya, nge

shi ova dja mo nale, nde itave ke shi tambula vali.

Ofikola oyo oi shii kotalika ngomukainhu ta dalele oshiwana shipe mokati ketu, oshiwana shoupolitika woshinana (modern), shovawilikingerki vomonghalafano ya nyika omafininikafano, oshiwana shodemonstrasie, shobetogings, (kape na oitya iwa mOshiwambo) oshiwana shoupika woikolwifa, shoupika wemanguluko (hippies). Opo tu likole oshiwana sha tya ngaha, nakuxupipikwe omangwandjulafano mokati ketu, ngenge eshi shi tambulwe momhepo iwa kutya; ovakulunhu novanenenu nava petame nokweendeka omatwi va pwilikine omifika dixupi eshi tadi popi.

Ovahongi vofikola oyo nava longwe ngashi ovalaule mokati kovalaula vakwao, hangashi oindele mokati kovalaula panghedi yepangelo laS.A., itashi ka pita. Ovakulunhu nava tambule oshima wavo apa tau holoka, osheshi efimbo lokutuvika oshili yomapuko ovakulunhu, ola pita.

Omhepo youmwainafana nai monike tete pokati kovalongi novalongi, opo nee pokati kovalongi novahongwa. Hauxuuninwa ofikola ei nande ya yeululwa "tete medina laS.A." opo konima "medina laKalunga," ashishe tashi ningwa mo nashi hovele tete medina laKalunga, opo shapo ku shikule imwe i lili.

to pumbwa ekwafo lasha meekulu, ile tatekulu, okwaame u yuka. Onda hala kuku kwafa apa handi dulu.

"Ohatu ningi eexungi pawe navo momaumbo ovapaani. Nokuli ngenge handi dimbulukwa eshi twa li nonhanda yoomeme, ovanyasha ovo va li va yakula mepata nokulela ounona manga oomeme tava fuda po, ile ve li meetundi."

"Hakaana hamukulunhu, ookamutandamha ona vetu, navo ongowanyasha, ovakulunhuongalo osho yo, ovakwaneongalo yo otava ke ndabala okuyakula."

Eshi wa hovela oshilonga eshi paife oto koneke oudjuu washo ou li naanaa peni? "Ngashi naanaa moilonga aische mu na eembinga mbali, oudjuu nehafo, osho yo moshilongayakulo eshi mu li. Nandi popye ko ashike oule weendjila. Ngeno owa mwene tuu tate otwa li tu na eengulu neenhele do vayakulwa ngashi shi li moilongo imwe, nge no oudiakoni kaku na vali."

Eshi wa tumbula nale nokuli kutya, moshilonga keshe omu na yo ehafo oto koneke eehenokomesho moshilonga shoye, oli li peni?

"Manga inandi ku nyamukula kepulo, nandi popye vali natango oiimbi yoshilonga, efiluko lasho. Onda pewa efudo ndi nangale mombete youyahame, unene odula 1970. Ouyahamefudo wange ou owa filula kanini oshilonga eshi meongalo letu.

Shalongo ngaa pwa li ovataleli, hano oungudu woudiakoni. Paife hano eehenokomesho otali monika nga osheshi, ovanhu ova findwa pokuudako epulo eli kutya; Hano oshilonga shaye oshashike? Epulo eli nda li handi pulwa nokwaa handi yakula; paife ola xula po.

Paife ovanhu otave uya komudiakoni okupula ekwafo, ile okupulila vakwao oikwafa. Otava ifana omudiakoni opo ta pumbiwa



Omudiakoni Rauna Kamati

Ombilive tai shikula apa, oya tuminwa ovakriste aveshe muS.A. ya shainwa kovakelefiti 45 muKaapa. Ombilive oya shangwa nelalakano okuulikila epangelo laS.A. noshiponga shi li moshipala shaye, ngenge ota twikile natango epangelo lokakombonoludi. Ombilive oya hala yo okukwafa ongerki yEembulu ei tai kolekele epangelo momadiladilo taa etele oshilongo ehandu laKalunga. Momukanda wa tya ngaha, ohatu tumbula ashike oinemenima ngashi hatu i kufa moshi fo Pro Veritate.

"MuKotoba 1970 omuwilikingerki Dr. J.S. Gericke, a penzulwa paife, okwa popya mo-shoongalelengerki nokutamaneka eengerki odo tadi yandje oushima kokatongotongo ta

OOHAPU DHETU

Mat. 5:33-37

Ontopolwa ndjika ontitano mevangeli ndika oyi na elongo nefatululo lyOmukulili gwetu lyoshili. Shika otashi holoka nomevangeli ndika moka Omukulili te tu pukulula noku tu longa nkene tu na okukala momapopyo getu. Omuwa mpaka ota endulula omalaka gomEstamendi Ekulu.

"Ino gana iifundja," 3Moses 19:12. Edhina lyOmuwa Kalunga koye waaye li shekithe," 4Mos. 30:2-3 omo moka omuntu e na okutsakanitha egano lye.

Kehe megongalo moka tamu dhigininwa oshili onkwagulu, nena okugana itaku uvikila mo noitaku pumbiwa. Onkee Omukulili gwetu natango ta indike: "Inamu gana nando okuli, hakegulu, oshoka olyo oshipundi sha-Kalunga. Hakevi, nenge kujerusalem, nahakomalutu geni, oshoka ogo omagano ga za kuKalunga twe ga pewa, tu kale nago pahalo lye. Onkee omuntu e na okuhulila mpoka, "eeno, eeno," nenge "aawe, aawe."

Oshinima oshinene notashi pumbiwa okukala monkalomwenyo yetu, osho oshili yi simamanekwe noyi pangele. Oshili ndjika itayi kala moohapu adhike, ihe momutima wo. "Tala, ongoye to pula oshili meni montulo mwii." Eps. 51:8. Ha oohapu odhindji tadhi pumbiwa, otu na okupopya shoka tatu shi dhiladhila noku shi gwanitha wo. Oohapu dhetu odhi na okukala dha towala omongwa gwevangeli. Jesus ta ti:

"Ngele tamu kala moohapu dhandje, otamu ningi aalongwa yandje shili, notamu ka tseye oshili notayi mu mangulula." Joh. 8:31.

Aantu otaa kambadhala okukoleka oohapu dhawo nokugana, nando kadhi shi dhoshili. Nefatululo ewinayi lya pingathana nohapu yaKalunga kutya: Ngele to popi dhoshili, itayi ku hupitha muuyuni muka. Ihe natu shi tseye ngeyi kutya, aafundja ayehe otaa ka kala kondje yegumbo lyomegulu. Otwa gwana okwiitedhulula nokuhempulula oondjo dhokugana nokufundja, tu tumbule ngaashi Omupsalmi ta ti:

"Oohapu dhomokana kandje nomadhiladhilo gokomwenyo gwandje nage ku opalele, Omuwa." Ps. 19:15, Oohapu dhandje, omutima gwandje onda pumbwa oku yi gandja kOmuwa meitedhululo nomeigandjo lyoshili, ndi ningwe omupe, ndi dhiminwe po, nondi peululwe ishewe onkalo ompe.

Otwa ithanwa tu longe Kalunga muupe womwenyo omuuyuki nomuuyapuki, tu igandjeni ano kunguka ta vulu oku tu shitulula noku tu ninga aape, oshoka otse oshilonga she, twa shitilwa muKristus, tu kale tu na iilonga iwanawa mbyoka Kalunga e tu longekidhile nale tu kale muyo.

N.Stefanus Mvula

ti: Ngenge ohatu ka nhukilwa efiku limwe, kovakwaita nohonde tai ka tikila momapandaanda etu, eshi oonyuni wa hala nee vati okukelelela omhepo yaHitila moshilongo shetu, osho otashi ti ashike kutya ovanhu ova tumbula oipupulu nee."

Oshoongalelengerki eshi osha li shongerki yeembulu. Omukanda owa tumbula omadina mahapu aavo va hepekwa molwasho inaava popila okatongotongo, nande nee inava popila yo onghedi yokukufila epangelo omata-ti. Ombilive oya ti:

"Okuhovela pokati kaAguste 1970 fiyo pokati kaMaalitsa 1971, konyala ovayakulingerki 18 ova lombwelwa va tewe mo moshilongo, ile ovo kwa li va hala ve uye mo eepaasha davo inadi itavelwa."

Ovo ovatumwa veengerki konyala adishe di na omatumo ado muS.A. ndelenee ovana shilonga vahapu yo ovadalelwa mo nokuli, ova mona omalondwelo yo ngashi naanaa vakwawo.

Oukwashiwana oo ehongo tali diininwa mepangelo laS.A. naaishe otai ningwa ngashi okatongotongo opo oukwashiwana u ha nyonauke. MuNdowishiland, omwa diininwa yo oukwatya ou nedina "onghalafano yopahasionale" (Nasionale Sosialisme) neeveta dihapu oda ningilwa ovo vehe fi Ovandowishi, okwaamena oukwanghalafano wOvandowishi. Mokuulika oinima aishe ei, ongerki oya ti:

"Omukanda ou inatu u shanga ngeno medina longudu imwe yopolitika, nde omolwongundu yovaitaveli ovo ve hole oshilongo shetu, naavo ve shi uditile onghenda panghedi oyo tashi pangelwa."

Ngudu ei-45 va shaina ovalumenhu novakainhu, ovafita novakwaneongalo, inava hala nande okupopila oimaliwa ya yandjwa ku WCC okuka kwafa ovakondjelimanguluko, osho yo itai popile kutya epangelo otali du lu okwiitavelifwa keenghono.

"Nombilive ei tai dulu okuleshwa kukeshe omunhu, otwa hala okulombwela ovo ve na eudeko la fa laDr. Gericke naavo ve li konima yaye. Paudeko loshipopiwa shaye osho sha kumika oindele, Eembulu nOvaingilisha kutya, omatamaneko oshilongo shetu, kae na oshili, osho otashi ulike ashike kutya fye mboli katu na nande omhumbwe yelidilululo. Elimbebeleko la tya ngaha, otali ka eta oshiponga moshilongo shetu noli li koshi yehandula laKalunga," ongerki ya ti.

Omakemo mahapu okwa dja ashike mongerki yaKristus yoovene, ei tai koleke onghedi yepangelo nokuyukipalifa omahepeko epangelo omolwokutamanekwa kwalo. Osho hano fye ohatu kongo ondaka yonghuwo kongerki, i tale oixuna yomoshilongo shetu, ongerki i fikame i popile ko ovafindjala, ova-naudu naavo va pakwa meedolongo omolwepangelo eli."

Vali omukanda ou inatu u shanga nomhepo yekondjifo lepangelo ile youfudime, ndelenee onomhepo oyo tai ulike naanaa ombinga yetu mokati konghalafano yetu ei ya nyika oushima, omolwaasho sha pumbiwa tu i popyeni melixupipiko nomelidilululo. "Ovo ve li po ovatilyaane vakwetu, otave shi koneke noupu nhumbi tu shii okutalela efimbo li nya la pita mouwa, omo twa kala noufemba muhapu, shi dulife okukoneka oshili ei tamu tamaneke paife. Osheshi otwa fa naanaa ovakriste venya muNdoishiland kwa li va nyengwa okwiitavela oshili ya li tai va tamaneke. Keshe oo ta lesa omukanda ou ne u ta-

mbule naanaa ongo wa shangwa momhepo oyo.

"Okuyelekanifa S.A. naNazi (epangelo laHitila) otashi tu yahameke unene. Nde unene omayeleanifo oo otaa yehameke neenghono naanaa ovo tava hepekwa, osheshi oshili. Fye inatu hala nande okulaulika edina la S.A. ndelenee omolwokuhena ouyuuki kwa ye nokuhepeka, vahapu ovo tava file medu eli letu, fye ongovakriste otwa hala oku shi popya."

"Ope na lela efaafano pokati kaS.A. naaNazi, Odoshili yo kutya ope na outongoko nde osho itashi ti nee kutya oshinima kashi shi shoshili. Odoshili yo kutya omayeleanifo amwe okutalwa moukwashiwana wilongo imwe, ngashi oukwashiwana wopaife wa li wa diininwa unene muEngilanda, nokonima owa ka hepekifa Eembulu. Eshi nashi italikile ngo, osheshi fye ihatu dulu nande okwiitapaleka nepuko lamukwetu e lili."

1. "Membo limwe Mein Kampf, omo naanaa oukwatya waHitila tau monika nawa ne hongoitavelo laye olo la fimana. Oye ina itavela nande oshilongo shimwe shi kale noiwana ihapu. Pefimbo laye ngenge taku tumbulwa oshiwana, nena okwa diladilwa naa naa ovo eedalele doshilongo shaNdowishiland Eshi osha li sha findilwa momunhu keshe e shi ude ko."

"Ehongo loupolitika muS.A. hasho tali hongo oukwashiwana ngaha? Hasho epangelo tali longo nokutopaula eengudu dovanhu ve likalele, ope vehe litale oshiwana shimwe shi li medalelwadu lasho S.A?"

"Nazi mepangelo laye okwa ti kutya Ovayuuda ovo va kala muNdowishiland, nava ulikilwe nga ombili kutya ova tumbulwa nawa moshiwana, ndele nee kape na nande umwe Omuyuuda ile Omwiingilisha ta pewa onhele ya fimana moupolitika ile moshinima keshe moshilongo omo ye e li mo omunailongo. Onghe Ovayuuda inava kala nande fiku limwe va talwe ongovakwashiwana shOvandowishi."

"Osho Epangelo laS.A. tali hepaulula kombinga youfemba womulaule mokati kovatilyaane. Oufemba aushe wovalaule oo tau tu lumbakanifita navo ohatu u kondjifa" papopyo laDr. Koornhof, oministeli yepangelo lolavalaule.

"Ovayuuda muNdowishilanda ova kala mo ashike okudja pefelemudo 4 lwaapo, ndelenee Ovalaule muTransvaal ova kala mo pomafelemido 5. Nokuli ovafuli vomedu ova mona mo oinima yOvasoto, oyo va hemuna nayo oivela yavo pefimbo linya shiimba konima yeedula 900. pa "Prehistory of the Transvaal, R.J.Mason." Etongoko oli li ashike ope kutya mwinya muNdowishiland, okangu-du ashike kanini ka li ka kufwa oufemba, ndelenee muS.A. ava kaave u na ovo vahapu.

Ehepaululo lepangelo

Hitila okwa kumaida Ovandowishi aveshe okuwanifa keshe tuu osho ve shi lombwelwa ve shi ninge, komushiti wavo "paMein Kampf."

"Fye otwa itavela oshilonga osho twe shi pewa" osho Hitila a tonga nokulombwela e-tanga lovakwaita vaye 1938.

"Dr. Malan naye yo okwa ti kutya, oukwashiwana wEembulu kau shi oshilonga shomunhu, ndelenee eshito laKalunga mwene, oshiwana she likalela noshe likalekelwa ngaha nelalakano lonhumba."

"Kape na nande eenghono dimwe kombada yedu ile omoheli tadi dulu okunyonauna po oukwashiwana wetu, osheshi oKalunga e u

Kepandja tali landula

shita. (paF.A.Jaarsveld-The Afrikaaner s' Interpretation of S.A. History, ep 21) Dr.H.Verwoerd naye okwa popya 1961 kutya, S.A. oku na oshinakuwanifwa shaye shinene shi dule osho sheputuko loukriste muAfrika alishe nde nashi kale onhele yokwaamena omutiyaane keshe," (paJaarsveld ep. 25.)

Eameno lohonde

Hitila okwa shanga membo "Mein Kampf" ngaha: "Omunhu ou ha kala nouhefi moku-keelela elumbakano lohonde yoshiwana shaye, ota dipaa omutima woukumwe woshiwana noilonga yasho aische. Okwa weda ko; "Etimba li dule aeshe olo okudalafana palumbakano loiwana, omolwaasho tu na okukondjela oukoshoki woshiwana shetu, omuhoko wetu nohonde yetu i kale ya koshoka.

Kashi fike mbela pamwe naasho ongudu yaNasionale muS.A. paprograma yepangelo, eshi ya tonga kutya, osho oshilonga shongudu shinene, okukeelela elumbakano lohonde yomutityaane nomulaule, nopalalakano eli omatopaulo a ningwe ponhele keshe ngashi tashi dulika?"

"Omushamane J.G. Strijdom, oo a li nale oministeli yotete yaS.A. okwa popya 1942 kutya; elalakano loukwanghalafano paukwashiwana muNdowishiland, okwa li tali lalakanene oukoshoki womunhu. Nediladiloitavelo eli, oli li naanaa popepi nonghedi yetu yokuhonga oukriste wopashiwana muS.A." (paHansard, Okolome 2070).

Mbela eeveta detu okukeelela ohombo yomulaule muS.A. kadi fike pamwe noveta yaNazi oyo ya keelela Omuyyuda aha ho mbolafane nOmundowishi? Mbela kashi fike pamwe, osho eshi eehonde dovatilityaane novalaule moihakulilo oda tulwa oumbapila tawu ulike omuhoko, noda pungulwa de likalekelwa ngaha okulongifwa, nande nee paushili ekonakono lounongononi inali mona fiyo onena etongoko olo? Ohonde yomutityaane oyo aike tai dulu okutulwa momulaule, ndelenee ohonde yomulaule itai tulwa momutityaane tuu nande."

"Osho sha longifwa muNdowishiland, omihoko tadi shikulwa koukulu wado, opo ku monike oku na omihoko difike peni moshishwana pahonde yavo. S.A. yo oku na onghedi ei yokulikalekela ovanhu mougudu omo ve na okuvalulilwa mo. Apa tashi nyengana okumona ouyelele, ohaku konakonwa keenyala, keexwiki, nosho tuu, nosha hanaua eehombo dihapu nosha twala vahapu mo malimangeleko."

Aame muhona apa (baasa)

Eitavelo louhona mepangelo laNazi ola shivika nawa. MuTransvaal, omushamane Strijdom, ongomuwiliki waNasionale, okwa tile: Oveta yetu oyo ngaha kutya, oindele oi na okukala ponhele yavo, nde oi na okukala baasa muS.A. Ngenge itamu tambula omadiladilo aa, novalaule ngenge otava kala ve na ondaka moinima youpolitika (yoshilongo), ngenge tava ka putuka ve fike poindele, nena ohatu ka kala ngahelipi tu li oobaasa?" (paThe Observer Dec.1952).

"Mo-1953 Dr. H. Vervoerd, ongominister yoinima yovalaule pefimbo linya, okwa eta omhango tai ti kutya kakele shapo kovalaula vamwevamwe oyo tava talika ova wana oku lineekelelwa olonga ihapu momaduumbo avo, ounona uhapu wovalaule owa li u na okutekulilwa momhepo yelixweno noyumbada. Okudja kounona wavo nava tekulwe panghedi ei vaha teeleele elao lasha." (paHansard 83,17.9.1953).

"Olonga ei yoixuna oyo naanaa ya ningwa eshi epangelo tali yandja kokaana keshe

EYELITHILO KAALONGI YOSHIKUNINO MUELOK

Oradio-Owambo oya li ya tseyitha eti-6.7.71. oshigongilwiimbo sheni shi li kOngwediva, noyendji oyi ihepeke okuthika ko. Shika Oradio-Owambo oye shi lesa ashike melandulathano lyiigongi yOngerki (ndyoka pampumbwe li shi kulundululwa). Kakwa li nande egongalo limwe lya tuminwa ehiyo lyoshigongi shoka. Palandulathano nopapitiko lyiilonga yOngerki oshigongi shika osha li shi nokulundululwa, opo ndi kale pehala lilwe pethimbo tuu ndyoka, nomolwasho oshigongi shoka inashi hiywa nande. Ombili komaihepeko geni ge shi kusimane-kwa. Nge taku ningwa oshigongi shoka komeho otaku ka tumwa omahiyo komagongalo.

M. Namalenga

komutityaane mofikola shi dule R228.00 omudo keshe, fimbo komulaule keshe taka pewa ashike R15.00 komudo." (paSurvey of Relations, 1970) Omulongi omutitano keshe pofikola yovalaule ota futwa kovadali ta va kufa moundjato wavo woluhepo. (paRace Relations News, Oct. 1970.) Ovo yo kwa li ve na okufuta konyala R30.00 komudo omo lwomambo okaana keshe ke li mofikola yokombada, fimbo ounona wovatilityaane aische tave i pewa omaano." (paSundy Time, 17.1.1971.)

"Oinima aische ei, pamwe nofuto yofikola yoovene vati molwomakonakono, noinifoloma vali yofikola, okaana keshe komulaule oha ka fininikwa ka yandje R90.00 (paStar 13.21.1971.) Evalulo eli, ola dja kombinga ashike youkadona, Hano omolwoinima ei, ounona aushe wovalaule inau dula okuya kofikola yokombada. (Pamukanda ou, Zambia eli la nyika oufyoono, oha longifa eepesenda 20 doimaliwa mouteku wofikola, fimbo S.A. ta longifa ashike eepesenda 5. (paCape Argus, 26.8.1967.)

Oveta yoilonga

"Ngashi naanaa Nazi ina itavela omahanganano amwe a longe, kakele ashike limwe; "German Labour Front," eli la kala melongifo laye. Osho yo mbela naashi shomoshilongo eshi, ovalongi ovalaule kave na nande ondaka yokutya sha koinima yehangano loilonga. Hasheshi mbela oufemba wokulanda nokulandifa po ovanailonga vavo ve u kufwa, nopanghedi ei, ovalaule vahapu otava hangika meenhele dovatilityaane, tava fininikwa okulonga oilonga ihe na ondjabi?"

MuJohannesburg, tu tye ngaha ovalaule, 800,000, ngenge to ongele ovanhu 10, vahayali vomuvo kave na oshimaliwa shokulilandela omboloto yefiku olo. (paStar 25.11.1969,) fimbo ovatilityaane omutitatu keshe oshipuna sha mana."

Kape na oveta yeameno

Nazi okwa hovela okukwata ovanhu nokuva tula meedolongo, ile okuva konda mo moshilongo pehe na epwilikinwo lasha. Ovanhu ova idililwa meedolongo nope he na va li ekwafo tali dulu ngeno okuyandjwa kovamwaina, kookaume kavu ile ekwafo lomuya ndjimaye umwe, omufita ile olyelye, ahowe. Ovanhu ovayehamekwa noupwidi nokufininikwa nomadengo, opo va fele okalambo osho tave shi hepekelwa nge shi kale shoshili." Panghedi ei, vamwe ova file mo."

"Hasho nande tashi ningwa yo nomuS.A. Oveta youterolisa hamo i li tai keelele ovanhu va kwatafane nookaume kavu noovamwaina? Hayo i na omafiku 90 ile 180 wa idililwa ino pwilikinwa? Pexulilo 1969 konyala eeveta 355 da tulilwa po okufininika ovo tava kondjifa S.A. (paRace Relations Survey 1970) Konyala ovanhu 1,000 moshilongo ova handukilwa inava pulwa sha mo-1970 (paDaily Despatch, 1.8.1970).

Mombilive ei okwa tumbulwa omadina mahapu aavo va fila meedolongo omolwo- kulidipaa ile va fya koipute yomahepeko nosho tuu. Aische oya ningwa muS.A.

Ovapolifi vomalunga

Onghedi yopolifi yomalunga muNdowishiland opo va yandje ouyelele kepangelo oinima nhumbi tai ende, Hitila okwe shi kufile kaakomunisi yaRusia. Oveta omolwo- shinima eshi, oya dikwa 1938, oyo ya yandja oufemba wokupatulula eembapila nokuleshulula eetelefona.

Hasho yo tashi longifwa nomuS.A. osho? Hasho mbela tashi hepekifa ovanhu ovo tava tamaneke epangelo, va kufwe eepaasa, davo vo va umbwe mo moshilongo?"

Apa inatu hala nande okuyelekanifa oukwatya weedolongo daNazi nodaS.A., ndee tva hala okupopya ouhapu wovanadolongo Nazi okwa li a tungu okamba ya kula yovanadolongo, osheshi meedolongo kakwa li tava wana mo.

Omuvalu waava ve li meedolongo daS.A. omuhapu unene, u dule moilongo ihapu oyo ina ovanhu ve dule kokule vomuS.A. peedula 1968-69 konyala mongudu yovanhu 225, umwe wavo oku li modolongo, eshi otashi ti ovanhu 88,079 mefimbo la tumbulwa ova kala meedolongo. (paStar 7.8.70).

Omuvalu wovanadolongo ou wa yandjwa naanaa kepangelo muSeptemba 1970, owa li 809 ashike, nde shiimba 1,000 okwa li ve niwe natango kopolifi yoshilongo. (PaStar 6.2.71) Ashike okwa kala nee ovo va idililwa eshi va tamaneka omadiladilo epangelo tu tye ve fike 1,732 va kwatwa efiku keshe 1968-69. (paRace Relations Survey 1970). Oshifo "Argus, 25.2.1971 osha ti kutya muS.A. konyala etata lomiliona ola kala modolongo okudja Juni 1968-Juni 1969."

Oukomunisi

"Nazi okwa li a tala omatamaneko epangelo laye aeshe kutya, oukomunisi noshilongifwa shawo. Eshi osha tiwa, opo aveshi va mutikwe vaha tye ko sha kepangelo. Omufitaongalo a shiivika nawa kwa li a shundulwa nai, oye Guther Dehn, osheshi okwa kala nomapulo a yukilila epangelo moye-yelele wOmbibeli."

"Fye ihatu ti naanaa kutya muS.A. ou komunisi kavu mo, ndelene ngahelipi ovo vehe shii ovakomunisi nge tava kondjifa okatongotongo, otava handukilwa?"

Omutoto wepangelo (propaganda)

"Hitila okwa tulile oradio aische melongifo laye noku i ninga oshilongifo shongudupangeli yaye oyo ihe na omukondjifi. Omambo aeshe noifo tai kondjifa oukwasosiale wopashiwana oya mwenekelela filu. Meefikola ounona ova kufilwa mehistoloi oinima ei iwa ashike, tai popile epangelo laNazi."

"Osho yo nomuS.A. mu na omutoto, wa tya ngaha ngashi tau pitifwa alushe koradio. Omo otamu popiwa ashike omadiladilo oshiwana aa mawa, ndelenee ngenge ku na nande ehanganano limwe, ile ewilikongudu longerki, li na sha mekondjifo lepangelo, itashi nyamakulwa mo ile shi mone mo epopilo, ahowe. Ovaudifi moradio, ova keelelwa okuyandja oushima kepangelo, nongenge tashi hetekelwa omunhu oo, onge a shikulwa ngashi sha monika komu- profesori Verkuyl 1970."

AAGUNDJUKA: ILENI

KOKAHAO

ETI-29.9-3.10.1971.

Aagundjuka amuhe yaELOK otandi mu hiya opo tu longekidheni oshigongi she-tweni shaagundjuka **MOMAGALIKANO**, shoka tashi ka kala **KOKAHAO KALUNGA NGELE TA ZIMINE** mo-masiku ga popiwa.

Egongalo kehe nali tume aagundjuka 10, naawiliki yaali. Moshigongi shika otu li koho yoshipalanyolo: **UYAPUKI WAKALUNGA**. Tatu lalakanene tse aagundjuka tu kale aayapuki oshoka Ombimbeli tayi ti: "Kaleni aayapuki."

Otatu ka popithwa niipopiwa tayi popi: **EYUKIPALITHO, ETUMO, EGALIKANO, OMBEPO ONDJAPUKI NEITAALO**.

Pafaneko lyonuumvo egongalo kehe, nali gongele R71.00. Ayehe otaa indilwa ya tsakanithe efaneko ndika. Otatu ka tala wo egongalo olini tali ka dhenga omakwawo, noshitayi oshini, tashi ka kala sha sindana.

Inamu dhimbwa okuhogolola aagundjuka yaali megongalo kehe mboka taa ka ya mekonakono lyomambo ngoka haga leshwa naigongi yaagundjuka: **KAAheber, Elongolyukriste nOkambo komukwane-gongalo kehe**. Otatu ka tala wo omugundjuka oguni ta ka sindana.


Aaholike, otandi mu hiya noku mu indila tu longekidheni **MOMAGALIKANO, OSHIGONGI SHIKA**. Ooitaali amuhe mu hole Omuwa tandi mu pandula sho tamu tsikile natango oku tu galikana.

Omuhiyi,

Kleopas Dumeni



Nangolo Shipanga



Hahende Sir Muhammad Zafrullah Khan (78) wa-Pakistan, oye presidende yohofa paife, nokwa ningi hahende yohofa ei okudja 1954. Okwa li yo a kalele po oshilongo shavo moV.V.O. eedula dimwe, nde moihokolola yotete yaS.A. mohofa ei, okwa li e likufa mo.

ONGOYE LYE ANO?

Ongame omukukutu a fa emanya, omudhigu a fa oshiyela. Onda fa emanya lyUushimba, omumati nda kookolola omayela, omakandiina ga-Shomeya. Ngame ndu uva oongendjo, omayela taga dhengwa kOniipa, nokOshitayi nOndangwa.

Ngame omutekulu gwaNdjukuma yaNelenge, omukulukadhi ngu e li mOnambati. Ngaye Shipanga nda nyenga Nangolo, tse omOndonga yimwe tu li.

Ongerki oyaKristus omumangululi

Fye ava twa tambula Kristus, otwa mangululwa mukesho omapando nomoupika keshe. Omwene Jesus eshi a fiya ongerki kombada yedu, okwa fiya yo ovaitaveli va kale nokuhoolola ovawiliki vongerki nokulifa emwenyo dovanhu nomalutu avo.

Ndele tete omuwiliki oha hoololwa ku-Kalunga mwene. Fye otu na yo ehistolongi longerki omo oilonga yayo tai hokololwa. Ovo aveke inava shiiva Kalunga nova ninga ovahepeki vovashitwa vaye, ovo inava hala okupwilikina ondaka yongerki yombili, yomutamule omu mu na omunwe waKalunga.

Otaa ulike osho inashi yuka monghalamwenyo yopalutu nomeshito laKalunga ou a shita ovanhu aveshe ondjelo yaye, noku va pa onhele yavo omo ve na okukala noku mu longela. Ongerki oya ta-

ILA KEYAPULO

Eyapulo lyomatungo omape mEnongela lyaa-yakuligongalo, mEngela, otali ka kala ko eti-23.9.71. Oshituthi otashi tameke potundi II melongelokalunga moka omusita Vaino Simojoki ta ka uvitha.

Omatungo omape otaga yapulwa komumbisofi Dr. Leonard Auala. Oshituthi shoka tashi hulu po komatango, otashi hiylwa ookuume ayehe yEnongelo ya holoke. Tu yeni ano kEngela.



Hahende Fouad Ammoun (72) waLibanon, okwa ningi hahende yohofa ei 1965, okwa hoololwa a ninge presidende wopedu wohofa 1970. Mo-1948-1963 okwa kala omukulunhu wovatumwa voshilongo shavo koV.V.O. nokwa kala natango eedula dimwe oshilyo moka-ngudu keameno kaV.V.O.

meka nalenale mokati kovalaula vaS.W.A. manga pehe na epangelo lasha ekwailongo. Onghee fye ava tu li ovana vongerki, otu shii oku i tala kutya oyo shili eenghono daKalunga dokumangulula mukesho omapando.


Ohandi lineekele kutya kaku na omukriste ou a hala okuhoolola omudinikalunga, a ninge omuwiliki nomupangeli waye. Osheshi opo pe na yo outondwe nomafimniko.

Keenghono daKalunga epangelo lakashilaule longhulu yonale, oli li po fiyo onena, ndelene ngenge otali yapuka mo mewiliko laKalunga, mongerki, ohatu itavele tuhe na omalimbililo kutya Kalunga ote li halakanifa po. Onghee ove omupangeli mokupangela, pula tete ehalo laKalunga. Kala ngo wa shiiva kutya, Kalunga ou e ku shita, oye a shita ovanhu aveshe. Nondilo yoye younhu, oi fike pamwe noyavakweni.

Omupangeli muwa, oye ou ta wapelele ovapiya, nde haye ou te liwapalele mwene. Ovanhu ovaKalunga, kave fi voye, ove owe va pewa ashike u va tekule nawa.

Asser Kaunongwa

Oolyelye va li momhangu yaSuidwes - Afrika?



Hahende Eduardo Jimenez de Arechaga waUruguay (53). Okudja (1949) okwa kala omuhongi woveta mouniversiti yaMontevideo nokwa kala yo efimbo limwe omunashipundi moshoo-galele shOiwana ya hangana 1963.



Hahende Sir Gerald Gray Fitzmaurice (70) waBritania, okwa kala hahende yohofa okudja 1960, nokwa kala moshoo-galele shetoto lomhango youfemba muAmerika 1945. Okwa fi-manekwa unene muEngilanda.



Hahende Manfred Lachs waPoole, a dalwa 1914. A ninga hahende yohofa 1967, okwa yakula mougudu vahapu vaV.V.O, okwa kalela po yo oshilongo shaye eedula dihapu moV.V.O. Onghatu youndokotola ckwe i pelwa muRusland.

Eehahende omulongo nanhano oda kala meemhangu edi. Odo da dja moilongo i lili nai lili yaEuropa, Afrika Asia naAmerika. Etokolo lohofa kutya S.A. muSuidwes ota longo mo pondje yoveta younyuni ola tokolwa keendaka 13, da kondjifwa

ashike kuEngilanda naFranisha.

Ohofa oya tokola yo kutya oilongo oyo ihe fi oinhimbu yaV.V.O. oya indilwa i pameke yo etokolo lohofa nova ninga ashishe osho V.V.O. te shi ningi okushakenifa etokolo eli. Nde oilongo oyo i li

po oinhimbu yaV.V.O, nayo ya indilwa neenghono okupameka etokolo eli nokweefa ashishe tashi kolekele S.A. muSuidwes.

Pamatokolo aa avala a xuuninwa, a mona eendaka 11 da kondjifwa ashike kuvane; Engilanda, Franisha, Nigeria naSweden.

Oshoo-galele shaaveshe shOiwana ya hangana otashi ka ongala eti-21 Septemba nokangudu kepopilo loiwana kaV.V.O. oka indilwa ka ka ongale eti-27 shiimba omo taveke lipula nhumbi omatokolo ohofa taa shakenifwa. Opwa li yo omatengeneko kutya, pamwe okangudu aka otaka ongala pondje, hamuAmerika nande. Eenehe Zambia naTanzania oda fanekelwa omutumba wako.


Ngenge sha ningwa, shiimba olo lotete okangudu aka eshi taka ongala pondje yaAmerika okudja eshi ka holoka po.



Hahende Hardy Cross Dillard, (68) waAmerika, okwa ningi hahende yohofa 1970, okwa fi-manekwa unene moshilongo shavo, okwa kala opresidende yehangano leehahende moshilongo shavo. Okwe lihonga muVirginie nomuParys.



Hahende Cesar Bengzom, (75) waPhillipine, okwa ningi hahende yohofa ei 1967, Shito okwa kala omukulunhu weehahende moshilongo shavo, okwa kalela po oshilongo shavo moyoo-galele ihapu, osho yo moV.V.O. 1960.



Hahende Platon Dimitriewitsj Morozof (64) waRusia, okwa ninga hahende yohofa ei 1970, okwa kala shito 1949 omukaleli po woshilongo shavo moilongo ihapu, okwa kalelapo yo epangelo lavo luhapu moV.V.O, nomo-1960 okwa kala oshilyo oshikulunhu moOkangudu ke-ameno kaV.V.O.

EPANGELO OLYE MU KONGELA ONDUNGE

Aawambo ne oyendji unene nokuyeleanitha nomihoko dhilwe muSuidwes, omolwaasho epangelo lye mu kongela onduge, opo aalumentu ya kuthwe po paakulukadhi yawo uule woomwedhi 18, ko ku valve okanona kamwe akeke muule woomvula mbali," osho omutiligane gumwe mOmbaye a hokolola elalakano lyondhalate, nomategu ga tya ngeyi.

Omukwawo ishewe naye gwomOmbaye, okwa popile a mana mo kutya: "Aawambo ne, itamu pumbwa nando okukwata iimaliwa oyindji, oshoka oompumbwe dheni kadhi thike nando pwaandhoka dhiigwana yilwe. Ihamu landa iikulya, ihamu futile omeya, uuyeleele noshu tuu. Ihe omu na okulonga mwa mana mo, oshoka one oshigwana oshinankondo shi vule ayihe nohamu yaka po. iinima yetu moositola."

SHOKA OONGERKI TADHI TI

Nkene tu omaludhi noontamanana dha tamekele maayendithi yiinima yuuyuni, omolwa-Suidwes-Afrika, nkene tali fa'wa meipangelo, kapwa li naanaa ewi lyongerki muSuidwes tali uvika lya yela moshinima shoka. Kakele ashike shila poompito dhimwedhimwe moongerki dhimwedhimwe.

Oombilive dha nyolwa kOmapangelongerki goongerki oonkwaevangeli paLuther, dhAa-valelwamo muSuidwes, unene ombilive ndjoka ya tuminwa oministeli yotango yaS.A. omusamane J. Vorster, oya tunyuna omitima dhaakwangerki oyendji omadhiladhilo gawo ga tseyike mpoka ga gama. Mpaka ope na omadhiladhilo gamwe:

Shila oya hala omadhipagathano

Omusitagongalo gwongerki yOombulu, M. M.Nieuwoudt, mOvenduka, mokulesha ombilive yaVorster, ina hala nande oku yi etha inaa tya ko sha kuyo, nando a tseyo wo kutya ombilive ndjoka kayi shi nando oshinima shomaludhi.

Okwa ti kutya, ye ngoka a yuulukwa shito ekwatathano noongerki dhomaitaalo galwe, omolwombilive ya tuminwa omusimanekwa mnr. Vorster, oti ikutha mo momadhiladhilo ngoka.

Omusita Nieuwoudt okwa tala kutya, ombilive yo yene oya endithwa nomukalo gwaa na esimaneke, sho ya leshwa wo pondje yuuyuni, ngaashi kOngongahanganano yaakwaLuther, kuGeneva. Na ishewe ombilive sho ya tala kutya etokolo lyompangu yuuyuni kuDen Haag, euvilo lyomagalikano.

"Oyo tuu ondjila yopakriste noyesima-



Hahende Andre Gros (63) waFranisha, okwa ninga hahende yohofa ei 1964, ou a kala nale moshibofa shaSuidwes, nde ka li a itavela Etiopia naLiberia kutya ove na oufemba wokuhokololifa S.A. Hahende ou, okwa longa ongomutumwa woshilongo shavo koV.V.O. nokwa li yo a kalela po oshilongo shavo mokangudu keameno kaV.V.O.

neko ndjoka, okuholola omadhiladhilo gongerki? Nenge nguka omukalo omupe gwokulapa ko oongundu dhilwe dhaanandumbo natse, ye tu kondjithile uukwaanuu-yuuki?" Osho omusita Nieuwoudt a pula mombilive ye ndjoka e yi nyolele koshifo shoonkundana "Die Suidwester."

Omusamane Nieuwoudt okwa kumwa noonkondo sho ombilive tayi popi omatilithagano gepangelo mokati kaaluudhe, okudhinwa, okwaagamenwa nokundaa-

dhwa, omukalo ngoka a ti kutya itagu tsu nando kumwe naashono epangelo hali shi uvitha kutya, aaluudhe oya mangu luka noya gamenwa momavi gawo.

"Hashili nando," omunyoli e shi tindi ngeyi, "oshoka aaluudhe oye na emangu-luko li thike naanaa, pamwe nolyaatiligane. Oye na omautho ge na oongamba ngaashi wo aatiligane ye ga na momahala gaa shi gawo. Nenge ano aawiliki ngaashi ya nyola ombilive ndjono, oya hala owala "evundakano, iita mokati kiiwana, omadhipagathano neshunduko lyuuntu nomathiminiko guukomunisi?" Osho omusamane Nieuwoudt i ipula nonibilive.

Omusitagongalo G.E.Hugo, mOvenduka, ngoka naye wo inaa panda omukalo gwe-tandelitho lyombilive ndjoka yomusimanekwa Vorster, okwa nyolele wo koshifo tuu shoka Die Suidwester, kutya:

"Aawiliki mboka yaali kumwe nOmapangelongerki gawo, ando pwa li pwa na sha oshidhigu noshe endelega, ando ngiika inaa vula okunyolela kominister Vorster, ombilive tayi leshwa kushaa ngoka." Okwa gwedha ko:

"Muyo otamu zi ngaa uuwanawa shimpa tuu tatu ipwililikile omapuko ngoka ge li mo, oshoka oya holola omaudhigu gaantu montananeke."

Omusita Hugo, ngoka naye wo e li gwo-



Hahende Isaac Forster

ngerki yOombulu, okwa simaneke unene nokutanga omumbisofi Dr.Leonard Auala nomuwilikingerki Paulus Gowaseb ngaashi ya shaina oombilive.

"Mbaka oyo oohe yoongerki dhawo, ya simana, mboka ye na oowino dhoshilonga shawo muule wethimbo ele."

Oongerki onkwaevangeli paLuther yAandowishi, (DELK) oya nyengwa okukoleka oshikalimo shomombilive dha nyolwa koomwayinangerki: Oongerki yOwambokavango (Elok) nongerki yetumo lyAandowishi muSuidwes (ELK). Oongerki yAandowishi aatiligane oya ti kutya, yo otayi ikutha mo thiluthilu mwaashoka sha tokolwa kOmapangelongerki ngoka gaali, ihe oyi ilongekidha okukala pamwe ngele otapu holoka olweedhe lwoonkundathana.

Oomvula odhindji dha piti, opwa ningwa

Tala kep 8



Otandi ya wilike
ngele haa ende nokugalikana

"Minä johdatan heitä, kun he kulkevat rukoillen."

"Tala, oshikaha shOmuwa inashi fupipala okuhupitha, nomakutsi ge inaga thita okuuva, aawe, amayonagulo geni ogo ge mu kutha muKalunga keni, noondjo dheni dhe mu siikilithite oshipala she, a kale kee uvite ko." Jes.59:1.


OMADILADILO OVALESHI



Federico de Castro (67) waSpania, okwa ninga hahende yohofa ei 1970 Okwa kalela po oshilongo shavo moyoongalele ihapu younyuni, oku li oshilyo shokomitie yeehahende muSpania. Okwa fimane-kwa unene.



Hahende Sture Petren (63) waSweden, okwa ningi hahende yohofa ei 1967, Nale mo-1948 - 1961, okwa kala muyandjimaye kovatumwa voshilongo shavo kuV.V.O. Okwa shiivika unene mounyuni aushe, nokwa li yo 1951-1963 oshilyo shomokangudu keemhale daV.V.O.



Lo uis Ignacio-Pinto (68) waDahome

Omufimanekwa K. Ngh. Neumbo, Uukwambi, ota nyola ngaha noku indila natango S.A. a ehene kuV.V.O. opo va tale nhumbi oiwana yaSuidwes tai mangululwa, yo i talwe ngashi ovanhu.

Mombilive yaye omushamane Neumbo ota pandula unene eshi Omhangu younyuni ya ekelashi efaneko laS.A. eshi a pulile kutya onawa oiwana yaS.W.A. ngenge tai pulwa yo omadiladilo ayo, va hoolole ou va hala.

“Omolwoufemba ou tuhe na ngeno vahapu otwa tila. osheshi Ovasuidwes, vangapi va handukilwa molwaashi tava yandje oushima wepangelo paushili?, osho tate Neumbo a holola momukanda waye.

Tate Neumbo ou a limbiliwa kutya neendjovo edi fiku limwe otadi ke mu kwatifa, ota koleke etokolo lomhangu younyuni, olo a ti kutya, “Ovo va li tava pangula oshinima eshi kakwa li va hoololwa owina eshi ve shiivike kutya ova-tondi vaS.A, ahowe. Etokolo ola yuka noloshili.”

Omubishofi waAnglikani muSuidwes, Colin O, Brien Winter, naye yo ota hafele unene omadiladilo ovawilikingerki veengeki edi mbali dovakwaLuther, okuhololela epangelo eshi tashi linyenge mokati kovalaulaule. Oye okwa pameka yo unene osho sha li mefatululo la shikula eembilive dotete, olo Omubishofi Winter a ti kutya.

“Osho shi li mefatululo, osho naanaa tu shii, fye ava tu li mokati kovalaulaule notu na ekwatafano navo kutya; vahapu moshilongo okatongotongo ove ka ekelashi filufilu, vo kave na emanguluko loku



Charles Onyeama (54) waNigeria

Shoka Oongerki tadhiti, dha za kep. 7 omalongekidho ogendji noonkundathana nongerki ndjoka yaAandowishi, opo ando ngele sha vulika, oongerki adhihe oonkwa-Luther muSuidwes, dhi ka hangane kumwe nokuhempulula Kristus mombepo yimwe. Ihe okwa li iinima yimwe kombinga yayo mbyoka ya imbi ethikilo lyelalakanano. Mpaka opwa monika wo olupe lumwe lweidhimbiko. “Kuume koye muudhigu, oye kuume lela.”

tya sha, osheshi ova tila omahepeko, nonghedi yoilonga yavo otai nghundipaleke ehokomesho lovaneumbo vavo.”

Omufimanekwa Winter, medina longerki yaAnglikani tala kutya itashi ka duli-ka nande omadiladilo ovalaule a kale alushe a findilwa kongudi. Ota pula ovatilyaane ovawiliki noshiwana shavo ashishe, ngenge ove lilongekida tuu okupwilikina ovalaule ava? Omubishofi Winter ngashi a tala okuhololela epangelo osho inali hala, osho oshiponga shinene, ota indile yo eengerki di lili, di kondjife okatongotongo pehe na ombada washa, ongoshinima yo itashi longifwa kuKalunga.

Omubishofi ou waAnglikani Colin Winter okwa talelela po yo Owambo pehovelohani ei, nokwa monene okamhito kokukundafana nomubishofi wongerki yaElok, Dr. Leonard Auala. Inaku shiivika osho ve shi kundafana. Oku li omutumba movenduka.



Hahende Luis Padilla Nervo (72) wa-Mexiko, okwa ningi hahende yohofa ei 1964. Okwa kala shito omukaleli po woshilongo shavo moilongo ihapu, nde okwa kala yo moihokolola yotete yaSuidwes mohofa tuu ei, ou kwa li yo ina pitika Etiopia naLiberia va ete Suidwes meenhamana. Mo-1946-1952, 1958 okwa kala omukaleli po woshilongo shaye moV.V.O.

OMUKWETU

Oshifo shOongerki onkwaevangeli paLuther yomOwambokavango
Die Nuusblad van die Evangeliese Lutherse
Ovambokavangokerk
Oha zi mOniipa,
Omukuluntu gwoshifo/Hoofredakteur Omubisofi Dr. Leonard Auala,
Amushanga/redakteur Sebulon Elandjo
Ondando komumvo mOwambo 70c kUushimba noKavango 90c
Kombanda yomafuta R1. 30.
Oondando nomambestelo naga tumwe kOmukwetu,
Oniipa, P/B. 2015, Ondangwa, S. W. A.
Oshinyolwa shuule
wondeimi 1 otashi futilwa R1.00
oondeimi 2 -"- -"- R1.90
oondeimi 3 -"- -"- R2.70
oondeimi 4 -"- -"- R3.40
oondeimi 5 -"- -"- R5.00
Oto vulu okutuma efano Iyaashoka wa hala shi tseyithwe nomatumbulo wo gasha ngele ope na.

The Finnish Mission Press Oniipa
P/B 2015, Ondangwa, S. W. A.